

На Господи возвах, глас 1:

О великое заступлѣние / печальным еси, Богородице Чистая, / скорая Помощнице, / спасѣние мѣра и утверждѣние, милости пучина, / Божия мудрости источнице, миру покров; / воспоём, вернии, светлый омофор Ея, / хваляще неизреченно: / Обрадованная, радуйся, с Тобою Господь, // подай миру Тобою велию милость.

О чудное украшение всем верным еси, / пророческое истинное сбытие, / апостолом слава и мучеником удобрение, / девству похвала и всему миру предивный покров. / Покрой, Владычице, омофором милости Твоея вся люди, вопиющая: / Обрадованная, радуйся, с Тобою Господь, // подай миру Тобою велию милость.

глас 4:

Освещается Небо и земля, / Церковь же светится, и людие вси веселятся: / се бо Мати Божия / со Ангельскими воинствы, с Предтечею и Богословом, / с пророки же и апостолы, невидимо вшедши, / за христианы молится Христу помиловати град и люди, // славящая Той Покрова праздник.

Воссия днесь радостный праздник / всечестнаго Покрова Божия Матере: / днесь бо Царица и Владычица всех, / рuce свои простерши к Сыну Своему, молится прилежно, / просящи мѣра миру, / покрывающи люди от нахождения иноплемѣнных омофором милости Своея / и, Тобою хвалящися, победы на сопротивныя просят // покрывающися омофором человеколюбия Твоего.

Слава, и ныне, глас 8:

Срадуются с нами умная вся чиновачалия, / духовно совокупльше чувственный лик, / видяще Царицу и Владычицу всех / многоименне верными славиму; / радуются же и души праведных, / сущии зрителие видения / на воздухе молѣбно простирающе всечестней Своей рuce, / просящу умирения миру // и спасения душ наших.

На литии, глас 3:

Настá днесь пресвѣтлый прáздник, Пречíстая Дѣво, / честна́го Твоего́ Покрóва. / Пáче со́лнца освещáеши лю́ди, / véрою от чíста сѣрдца Тебѣ Истинную Мáтерь Бóжию исповѣдающия / и Сы́ну Твоему́ вопи́ющия: / Христѣ́ Бóже, моли́твами Приснодѣвы, / чíсто и без ислѣния рóждшия Тя, / не преда́ждь враго́м рáтующим Твое́ достоя́ние, // но я́ко Мíлостив спаси́ в мíре дýши нáша.

Слáва, и ны́не, глас 2:

Смысл очíстивше и ум, / со А́нгелы и мы торжествúем, / свѣтло начинáюще Давíдскую песнь Отрокови́це, / Невѣсте всех Царя́ Христá Бóга нáшего, / воскресни́, Гóсподи, глаго́люще, в покóй Твой, / Ты и кивóт святýни Твоея́: / я́ко бо палáту краснý, Си́ю украсив, / и причтѣ́ Ю́ гра́ду Твоему́, Влады́ко, / стрóити и покрывáти от сопостáтных погáн // держáвною сíлою Твоею́, моли́твами Ея́.

На стихóвне, глас 2:

Я́ко всех вы́шши сýщи Небѣсных и земных, / Херувíм слáвнейши и всея́ твáри честнѣйши, / Тебѣ́, Застýпницу и покрóв держáвен, / христиáнскому рóду Христóс даровá / покрывáти и спасáти лю́ди согрѣшшия, / к Тебѣ́ притекáющия. / Тѣмже прибѣжище всем, Тебѣ́ воспевáем, Влады́чице, / и честный прáздник Твоего́ Покрóва прáзднуем свѣтло, // Христá моля́ще даровáти нам véлию мíлость.

Слáва, и ны́не, глас тойже:

Я́ко венцѣ́м пресвѣтлым, Всечíстая Богорóдице, / Покрóвом Твои́м честным Цѣрковь Бóжия приодѣяся / и свѣтится, рáдующися, днесь, / и та́йно ликовствúет, Влады́чице, вопи́ющи Тебѣ́: / рáдуйся, одея́ние честное́ и вѣнче́ Бóжия слáвы; / рáдуйся, Еди́на слáвы соверше́ние и вѣчное весѣлие; / рáдуйся, к Тебе́ притекáющим пристáнище, и избавлѣние, // и спасѣние нáше.

Тропа́рь, глас 4:

Днесь благове́рнии лю́дие свѣтло прáзднуем, / осеня́еми Твои́м,
Богома́ти, пришѣстви́ем, / и к Твоему́ взира́юще пречи́стому
образу, умильно глаго́лем: / покрый нас честны́м Твои́м Покрówом /
и изба́ви нас от всякаго зла, / моля́щи Сы́на Твоего́, Христа́ Бо́га
нашего, // спасти́ ду́ши на́ша.

Конда́к, глас 3:

Де́ва днесь предстои́т в це́ркви / и с ли́ки святы́х невидимо
за ны мо́лится Бо́гу, / А́нгели со архиере́и покланя́ются, / апóстоли
же со проро́ки ликовствую́т: // нас бо ра́ди мо́лит Богоро́дица
Превѣчнаго Бо́га.

Велича́ние: Велича́ем Тя, / Пресвята́я Де́во, / и чтим Покрów Твой
святы́й: / Тя бо ви́де святы́й Андре́й на возду́се, // за ны Христу́
моля́щуюся.

Прокі́мен: Помяну́ имя Твое́ / во всяком ро́де и ро́де.

Стихи́ра по 50-м псалме́, глас 8:

Сра́дуются с на́ми у́мная вся чинонача́лия, / духо́вно совоку́пльше
чу́вственный лик, / ви́дяще Цари́цу и Влады́чицу всех, многоименне
ве́рными сла́виму, / ра́дуются же и ду́си пра́ведных, су́щии зрите́лие
видѣния, / на возду́се моле́бно простира́ющу всечестне́и Свои́ ру́це, /
прося́щу умире́ния ми́ру // и спасѣ́ния душ на́ших.

На хвалітех, глас 8:

Тебѣ припадаем, Госпожѣ, / умільно кланяющеса, молим Тя: /
радуйся, Богоблаженная Владычице, / многоименитая Дѣво, / пророки
проображенная чѣстно: / в Тя бо, яко роса, Христос Бог сніде, /
и родила еси, Браконейская Чистая, и на руку носила еси всех
Творца и Господа. / Емуже ныне о нас молися, // славящих верно
Твоего Покрова праздник.

Поют Тя, Дѣво Богородице, Ангельстии чини, / и славят патриарси
со архиереи / и святии апостоли, / яко Матери Божии чѣстно
служат Тебѣ, / видяще Тя за мир молитву творящую / ко Спасу
всех, Христу Богу. / Емуже помолися избавити град и люди, /
славящия Тя верно // и Твоего Покрова праздник чествующия.

Слава, и ныне, глас 6:

Яко виде Тя пречудный Андрей на воздусе / со Архангельским
множеством, / со апостоли, и пророки, / и множеством мучеников, /
Сыну Твоему и Богу нашему о граде и людех молящуюся,
Владычице, / и честным Твоим Покровом покрывающую, / не оскудей
и ныне, Пречистая, / спасти изрядное достояние Твоего Сына, //
пречестный праздник Твой празднующе, Многопетая.